

Broj: 05-02-4-870/26
Mostar, 13.05.2026. godine

Primljeno: 25-05-2026			
Org. jed.	Broj	Priloga	Vrijednost
05/2	-02-	242	/26

BOSNA I HERCEGOVINA
FEDERACIJA BOSNE I HERCEGOVINE
DOM NARODA PARLAMENTA FEDERACIJE BOSNE I HERCEGOVINE
n/r Aida Hadžić-Salkić, sekretarka Doma naroda
n/r Ivan Odak, delegat

Predmet: **Inicijativa za izmjenu sistema finansiranja podsticanja za obnovljive izvore energije u Federaciji Bosne i Hercegovine, odgovor - dostavlja se**

Poštovana,

Vašim aktom broj: 05/2-02-242/26 od 27.04.2026. godine dostavili ste Vladi Federacije Bosne i Hercegovine Inicijativu za izmjenu sistema finansiranja podsticanja za obnovljive izvore energije u Federaciji Bosne i Hercegovine, koju je pokrenuo Ivan Odak, delegat u Domu naroda Parlamenta Federacije Bosne i Hercegovine, a koja je, dopisom Vlade Federacije Bosne i Hercegovine broj: 03-04-850-1/26 od 05.05.2026. godine dostavljena na nadležno postupanje ovom Ministarstvu.

Predmetnom inicijativom se od Vlade Federacije Bosne i Hercegovine traži pokretanje izmjene zakonodavstva koje uređuje sistem podsticaja za proizvodnju električne energije iz OIEiEK, gdje se između ostalog navodi:

- sredstva za podsticanje prikupljaju se putem obavezne naknade koju plaćaju krajnji potrošači električne energije,
- trenutni model finansiranja stvara nesrazmjerno opterećenje za građane i ekonomiju,
- značajan dio poslovnog rizika privatnih investicija prelazi na potrošače, što nije u skladu sa tržišnim principima,
- građani koji plaćaju ovu naknadu nemaju nikakav uvid u način raspodjele sredstava,
- inicijativa ne dovodi u pitanje postojeće ugovorne obaveze prema proizvođačima električne energije iz OIE,
- budući projekti trebaju biti zasnovani na tržišnim mehanizmima i otvorenoj konkurenciji uključujući aukcije i transparentne kriterijume

te se predlaže da Vlada Federacije Bosne i Hercegovine:

1. pripremi izmjene relevantnih zakona koji uređuju sektor OIEiEK,
2. preispita model finansiranja podsticaja kroz obaveznu naknadu koju plaćaju krajnji potrošači,
3. razmotri postupno ukidanje te naknade i uvođenje alternativnih modela finansiranja uključujući:
 - a) budžetska sredstva Federacije,

- b) međunarodne fondove Energetske zajednice,
- c) tržišne aukcije i druge konkurentne mehanizme.

Ovo Ministarstvo je razmotrilo dostavljenu Inicijativu poštovanog delegata, te Vas obavještavamo o slijedećem:

- Federalno ministarstvo energije, rudarstva i industrije je, kao službeni obrađivač, u periodu 2017. - 2023. godine provodilo aktivnosti koje su rezultirale izradom novog Zakona o korištenju obnovljivih izvora energije i efikasne kogeneracije koji je usvojen od strane Parlamenta Federacije Bosne i Hercegovine („Službene novine Federacije BiH“, broj: 82/23 – u daljnjem tekstu: Zakon). Zakon se usaglašavao sa Direktivom (EU) 2018/2001 (RED II direktivom) i u zakonu su implementirane tržišne šeme podsticanja (aukcije). Važno je napomenuti da je navedena reforma sistema podsticaja uzela u obzir troškovno najefikasniji sistem podsticaja koji će imati najmanji uticaj na povećanje potrebnih sredstava za podsticanje.
- članom 9. Zakona je propisano finansiranje Operatora za OIEiEK gdje je propisano da se Operator za OIEiEK finansira:
 - a) iz naknade za podsticanje iz člana 27. stav (1) Zakona, koju plaćaju krajnji kupci,
 - b) iz prihoda koje ostvari na osnovu izdavanja upravnih akata predviđenih internim aktima Operatora za OIEiEK,
 - c) iz drugih sredstava finansiranja,kao i da se Operator za OIEiEK može finansirati iz bespovratnih sredstava iz međunarodnih fondova.
- Napominjemo da se sve trenutne finansijske obaveze Operatora za OIEiEK u vezi podsticanja proizvodnje električne energije iz OIEiEK odnose na servisiranje Ugovora zaključenih po osnovu Zakona o korištenju obnovljivih izvora energije i efikasne kogeneracije („Službene novine Federacije BiH“, br. 70/13 i 5/14), te da su u toku aktivnosti na raspisivanje prvih aukcija i to: aukcija za mala postrojenja - FIT aukcija, gdje se kroz proces nadmetanja pobjedniku/pobjednicima dodjeljuje pravo prodaje električne energije proizvedene iz OIEiEK iz malih postrojenja, a nadmetanje se vrši za tehnološke kvote definisane u jedinicama instalisane snage (kW), te aukcija za velika postrojenja - FIP aukcija, gdje se kroz proces nadmetanja pobjedniku/pobjednicima se dodjeljuje podsticaj u vidu fiksne premije po isporučenom MWh električne energije iz OIEiEK iz velikih postrojenja, nadmetanje se pritom vrši za obim aukcija definisan u jedinicama instalisane snage (kW), a koje će dovesti do potrebe za dodatnim sredstvima Operatora za OIEiEK. Tehnološke kvote (kvote za podsticanje za mala postrojenja) te obim aukcija (kvote za velika postrojenja) su propisane Uredbom o kvotama. Navedene aukcije su zasnovane na tržišnim principima i postoji natjecanje između budućih proizvođača električne energije iz OIE koji će dobiti pravo na podsticaj. Operator za OIEiEK je razvio elektronski alat za provođenje postupka aukcija kako bi cijeli proces učinio dodatno transparentnijim. Ovdje je potrebno navesti da je trenutna naknada za podsticanje proizvodnje električne energije iz OIEiEK značajno čak i višestruko manja nego u zemljama u okruženju.
- u vezi navoda da građani koji plaćaju ovu naknadu nemaju nikakav uvid u način raspodjele sredstava, obavještavamo Vas da su članom 41. Zakona propisane obaveze u pogledu javnosti postupka, gdje je između ostalog propisano da Operator za OIEiEK na svojoj internet stranici javno objavljuje

Izveštaj o prikupljenim i utrošenim sredstvima iz naknade za podsticanje za prethodnu godinu do kraja februara, a što Operator za OIEiEK redovno vrši te sve izvještaje iz prethodnih godina možete pronaći na stranici Operatora za OIEiEK.

- u vezi navoda da budući projekti trebaju biti zasnovani na tržišnim mehanizmima i otvorenoj konkurenciji uključujući aukcije i transparentne kriterijume, ponovno napominjemo da su Zakonom i definisane dodjele podsticaja kroz tržišne mehanizme i transparentne alate i kriterijume.

Uvažavajući prethodno navedeno, a cijeneći upućeni prijedlog Vladi Federacije Bosne i Hercegovine, mišljenja smo da u ovom trenutku nije potrebno preipitivati model finansiranja podsticanja proizvodnje iz OIEiEK, te da u ovom trenutku Zakon omogućava i druga sredstva finansiranja, te bespovratna sredstva iz međunarodnih fondova.

S poštovanjem,



Dostaviti:

- Naslovu (x2)
- VLADA FEDERACIJE BOSNE I HERCEGOVINE
Generalni sekretarijat Vlade Federacije Bosne i Hercegovine
n/r g-đa Edita Kalajdžić, sekretar Vlade
veza akti broj: 03-04-850-1/26 od 05.05.2026. godine
- 05
- a/a